

საქართველოს საჯარო დაწესებულებების საინფორმაციო (ინტერნეტ) რესურსების მონიტორინგი - 2011

კვლევის ძირითადი მიზნები:

- საქართველოს საჯარო დაწესებულებების გამჭვირვალობის ხარისხის ამაღლება;
- ინფორმაციის თავისუფლების განვითარების ხელშეწყობა;
- საქართველოში ინფორმაციის თავისუფლებასთან დაკავშირებული საკანონმდებლო ცვლილებების ინიცირება;
- საქართველოში ელექტრონული მმართველობისა და ელექტრონული გამჭვირვალობის განვითარება.

საქართველოს შინაგან საქმეთა სამინისტროს ოფიციალური ვებ-გვერდის
(www.police.ge) საინფორმაციო გამჭვირვალობისა და ელექტრონული
მმართველობის შეფასებითი მონიტორინგი

2011 წლის 3 ივნისი

ყველა უფლება დაცულია

ინფორმაციის თავისუფლების განვითარების ინსტიტუტი

ა. მაჭავარიანის ქ. №4, ბინა1. 0179. საქართველო, თბილისი.

Tel: +995322 996364.

www.idfi.ge / www.opendata.ge

info@idfi.ge




საქართველოს შინაგან საქმეთა სამინისტრო


www.police.ge

გამოვლენილი ძირითადი ხარვეზები და რეკომენდაციები

ოფიციალური ვებ-გვერდის საინფორმაციო გამჭვირვალობა IDFI
პარამეტრების მიხედვით



■ ინფორმაციის არსებობა ვებ-გვერდზე ■ წარმოდგენილი ინფორმაციის ხარისხი




საქართველოს შინაგან საქმეთა სამინისტროს ვებ-გვერდზე არ მოიძიება:

1. ინფორმაცია მინისტრის შესახებ:

შინაგან საქმეთა მინისტრის ფოტოსურათი, ვრცელი ბიოგრაფიული მონაცემები და კომპეტენციის აღწერა; იმ საჯარო თანამდებობის პირზე მითითება, რომელიც კანონმდებლობის თანახმად ნიშნავს და ათავისუფლებს თანამდებობიდან მინისტრს. მინისტრის სახელი და გვარი მოცემულია მხოლოდ ქვე-განყოფილებაში „სამინისტროს რეკვიზიტები“, ამასთან განცალკევებული განყოფილება სათაურად „მინისტრი“ არარსებობს. მინისტრის სამუშაო ელ.ფოსტა და ფაქსის ნომრებიც არ არის სახეზე;

2. ინფორმაცია მინისტრის მოადგილეების შესახებ:

შინაგან საქმეთა მინისტრის მოადგილეთა ფოტოსურათები, ვრცელი ბიოგრაფიული მონაცემები და კომპეტენციის აღწერა; იმ საჯარო თანამდებობის პირზე მითითება, რომელიც კანონმდებლობის თანახმად ნიშნავს და ათავისუფლებს თანამდებობიდან მოადგილეებს. მოადგილეთა სახელები და გვარები მოცემულია მხოლოდ ქვე-განყოფილებაში „სამინისტროს რეკვიზიტები“, ამასთან განცალკევებული განყოფილება სათაურად „მოადგილეები“ არარსებობს. მოადგილეთა სამუშაო ელ.ფოსტები და ფაქსის ნომრებიც არ არის სახეზე;



3. სამინისტროს სტრუქტურული ქვედანაყოფებისა და ტერიტორიული ორგანიზების შესახებ ინფორმაცია:

შინაგან საქმეთა სამინისტროს სტრუქტურული ქვედანაყოფებისა და ტერიტორიული ორგანოების ხელმძღვანელთა ფოტოსურათები, ვრცელი ბიოგრაფიული მონაცემები და კომპეტენციის აღწერა; იმ საჯარო თანამდებობის პირზე მითითება, რომელიც კანონმდებლობის თანახმად ნიშნავს და ათავისუფლებს მათ თანამდებობიდან. სტრუქტურული ქვედანაყოფებისა და ტერიტორიული ორგანოების ხელმძღვანელთა სამუშაო ელ.ფოსტები და ფაქსის ნომრებიც არ არის სახეზე;

აგრეთვე არ მოიძიება სამინისტროს ყველა სტრუქტურული ქვედანაყოფისა და ტერიტორიული ორგანოს ელექტრონული ფოსტის მისამართი, სამინისტროს სისტემის სტრუქტურულ ხეზე არ არის მოყვანილი ინფორმაცია სპეციალური ღონისძიებების დეპარტამენტისა და საჯარო სამართლის იურიდიული პირის - „სახელისუფლებო სპეციალური კავშირებისა და ინფორმაციის სააგენტოს“ შესახებ; ქვე-განყოფილებაში „სამინისტროს რეკვიზიტები“ სამინისტროს ტერიტორიული ორგანოების შესახებ ინფორმაცია ნაკლებია - არ არის მოცემული ინფორმაცია აფხაზეთის ავტონომიური რესპუბლიკის მთავარი სამმართველოს შესახებ.

4. სამინისტროს საკონტაქტო ინფორმაცია:

მომხმარებლისთვის სამინისტროს ელ.ფოსტის, ფაქსის ნომრისა და საფოსტო მისამართის ძიების საშუალება ძალზედ გართულებულია, ვინაიდან აღნიშნული ინფორმაცია მოიძიება ბმულში - "კონტაქტი", თუმცა თვით ბმული განთავსებულია მხოლოდ ვებ-გვერდის რუკაზე. ამასთან, სამინისტროს მიერ ფიზიკური და იურიდიული პირების მიღების და მათთან მუშაობის გრაფიკი და სამინისტროს შენობის მდებარეობის აღმნიშვნელი შესაბამისი რუკა ვებ-გვერდზე განთავსებული არ არის.

5. ინფორმაცია სათათბირო ორგანოების შესახებ:

ვებ-გვერდზე არ არის მოცემული აგრეთვე ინფორმაცია შინაგან საქმეთა მინისტრის სათათბირო ორგანოს - კოლეგიის არსებობა/არარსებობის შესახებ.

6. ინფორმაცია სამინისტროს სტრუქტურის შესახებ:

სათაურად „სტრუქტურა და ფუნქციები“ სრულად არ შეესაბამება მის შიგთავსს, ვინაიდან, მართალია, ქვე-განყოფილებაში მოყვანილია სამინისტროს სისტემის სტრუქტურულ ხე, თუმცა არ მოიძიება ინფორმაცია ფუნქციების შესახებ:

8. ინფორმაცია მინისტრის და მინისტრის მოადგილეების გამოსვლების, განცხადებების, ბრიფინგების შესახებ:

არ მოიძიება შინაგან საქმეთა მინისტრის და მის მოადგილეთა გამოსვლების, განცხადებებისა ანდა ბრიფინგების ტექსტები:

02.06.2011
ტერორისტული აქტის განხრციელების შორიგი მცდელობა აღკვეთილია
დღეს, კონსტიტუციური უსაფრთხოების დეპარტამენტის თანამშრომლების მიერ აღკვეთილი იქნა ტერორისტული აქტის განხრციელების შორიგი მცდელობა. სამართალდამცავების მიერ

30.05.2011
შინაგან საქმეთა სამინისტროს განცხადება
2011 წლის 26 მაისს შინაგან საქმეთა სამინისტროს თანამშრომლებმა ცინწყვისში დააკავეს შეიარაღებული დაჯგუფება 24 კაცის შემადგენლობით

30.05.2011
შინაგან საქმეთა სამინისტროს განცხადება
მას შემდეგ რაც საქართველოს შინაგან საქმეთა სამინისტრომ მოუწოდა ყველა დაინტერესებულ პირს

27.05.2011
შინაგან საქმეთა სამინისტროს განცხადება
27 მაისს, შსს-ს მიერ გაერაცელებულ ვიდემოასალაში ასახულია სახალხო კრების ლიდერებისა და მისი ერთ-ერთი ფრთის „მეფიცულთა“ შზადება საპროტესტო გამოსვლებისათვის.

27.05.2011
საერთაშორისო კონფერენცია თემაზე „გლობალიზაცია და უსაფრთხოება შავი და კასპიის ზღვების რეგიონებში“
მიმდინარე წლის 27-29 მაისს, გაიმართება აზრეუმის გზის მე-ნ საერთაშორისო კონფერენცია თემაზე „გლობალიზაცია და უსაფრთხოება შავი და კასპიის ზღვების რეგიონებში“.

9. ინფორმაცია სამინისტროს წლიური ანგარიშის, სამინისტროს მიერ განხორციელებული პროგრამების და პროექტების შესახებ:

არ მოიძიება შინაგან საქმეთა სამინისტროს საქმიანობის ამსახველი ერთიანი წლიური ანგარიში; აგრეთვე განცალკევებული განყოფილება სათაურად „პროგრამები“, სადაც მოყვანილი იქნებოდა იმ სახელმწიფო, მიზნობრივი და ა.შ. პროგრამების ჩამონათვალი და შესრულების შესახებ (წლიური) მოხსენებები, რომელთა დამკვეთს, შემსრულებელს ან რეალიზაციაში რაიმე სახით მონაწილე მხარეს წარმოადგენს შინაგან საქმეთა სამინისტრო;

10. ინფორმაცია „საკანონმდებლო ბაზის“ შესახებ:

ქვე-განყოფილება სათაურად „საკანონმდებლო ბაზა“ დასახვეწია, არ მოიძიება სამინისტროს საქმიანობის (მმართველობის) სფეროსთან დაკავშირებული საქართველოს პრეზიდენტის, საქართველოს მთავრობის და შინაგან საქმეთა მინისტრის სამართლებრივი

აქტები, არ მოიძიება საქართველოს ზოგადი ადმინისტრაციული კოდექსიც; არცერთი სამართლებრივი აქტი არ უნდა იყოს წარმოდგენილი ძველი მდგომარეობით.

11. ინფორმაცია „საჯარო ინფორმაციის ხელმისაწვდომობასთან“ დაკავშირებით:

ინფორმაცია სამინისტროს საქმიანობის შესახებ, რომელიც დაკავშირებულია ინფორმაციის თავისუფლებასთან / საჯარო ინფორმაციის ღიაობასთან თითქმის არ არის წარმოდგენილი: სამინისტროს ვებ-გვერდზე არ არსებობს საჯარო ინფორმაციასთან დაკავშირებული განცალკევებული განყოფილება. არ მოიძიება საჯარო ინფორმაციის ხელმისაწვდომობის უზრუნველყოფაზე პასუხისმგებელი საჯარო მოსამსახურის ვინაობის (სახელი და გვარი), თანამდებობისა და საკონტაქტო რეკვიზიტების შესახებ ინფორმაცია, აგრეთვე ვებ-გვერდზე არ არის წარმოდგენილი ადმინისტრაციული საჩივრისა და საჯარო ინფორმაციის მოთხოვნის ჩამოსატვირთი ფორმები/ნიმუშები.

12. ინფორმაცია სამინისტროს მიერ სანებართვო ქმედებების შესახებ:

დაკავშირებული სანებართვო და მარეგისტრირებელ ქმედებათა ამსახველი ინფორმაცია უნდა იყოს უფრო ვრცელი, რადგან ეს სამინისტროს ერთერთი უშუალო ფუნქციაა კანონდებლობის თანახმად, მიუხედავად იმისა რომ შესაბამისი სააგენტო ცალკე ბმულშია გატანილი და მოიძიება შესაბამისი კანონიც.

13. ინფორმაცია სამინისტროს მიერ განხორციელებული შესყიდვების დატენდერების შესახებ:

ვებ-გვერდზე არსებული ტენდერების არქივში მოყვანილი უკანასკნელი ინფორმაცია დათარიღებულია 2010 წლის 20 დეკემბრით, ხოლო ქვე-განყოფილება სათაურად „აუქციონები“ შემოიფარგლება გამოცხადებული აუქციონის შესახებ ერთადერთი ინფორმაციით.

14. ინფორმაცია სამინისტროს მიერ გაფორმებული ხელშეკრულებების შესახებ:

ვებ-გვერდზე არ მოიძიება ადმინისტრაციულ ხელშეკრულებათა ბლოკი/განყოფილება, სადაც მოყვანილი იქნებოდა სამინისტროსა და ფიზიკურ/იურიდიულ პირებს შორის, აგრეთვე სამინისტროსა და სხვა საჯარო დაწესებულებას შორის გაფორმებულ ადმინისტრაციულ (სამოქალაქო/სამართლებრივ) ხელშეკრულებათა ჩამონათვალი და პირობები.

15. ინფორმაცია სამინისტროს ვაკანსიების შესახებ:

ვებ-გვერდზე არ მოიძიება ვაკანსიების ერთიანი არქივი და ვებ-გვერდის ოფიციალურობის დამადასტურებელი წერილობითი აღნიშვნა.

16. სამინისტროს ფინანსური ხასიათის ინფორმაცია:

ვებ-გვერდზე თითქმის არ არის წარმოდგენილი სამინისტროს საქმიანობასთან დაკავშირებული ფინანსური ხასიათის ინფორმაცია:


- არ მოიძიება სამინისტროს ბიუჯეტში ასახული შემოსავლებისა და გასავლების/ ბიუჯეტის შესრულების ბალანსისა და ბიუჯეტის ასიგნებების ხარჯვის შესახებ ზოგადი ინფორმაცია;
- არ მოიძიება საჯარო სამსახურებრივი უფლებამოსილების განმახორციელებელი თანამდებობის პირთა ჩამონათვალი და საშტატო განრიგი/სამინისტროს კონკრეტულ საშტატო ერთეულზე გათვალისწინებული ფინანსური განაკვეთების შესახებ ინფორმაცია;
- არ მოიძიება სამინისტროს სრული სისტემის (ყველა სტრუქტურული ერთეული, ტერიტორიული და სხვა სისტემაში შემავალი ორგანო თუ დანაყოფი) თანამშრომლებზე გაცემული ხელფასების, დანამატების და დარიცხული პრემიების წლიური ოდენობების შესახებ ინფორმაცია (კონკრეტულ პირთა ვინაობაზე მითითების გარეშე):

The screenshot shows the website of the Ministry of Internal Affairs of Georgia. The top navigation bar includes: მთავარი, სამინისტრო, სამსახურები, სტატისტიკა, დაგვიკავშირდით, განცხადებები, ბმულები, and საიტის რუკა. A search bar is present with the text 'ძებნა საიტზე' and an 'Ok' button. The main content area features a calendar for May 2011, with the 3rd highlighted in red. Below the calendar is a 'POLICE.GE' logo with a cartoon character and a photo of police officers. The sidebar on the left contains several menu items: 'საინფორმაციო სტატისტიკური ბიულეტენი', 'დღი', 'რეკომენდაციები უცხოელი სტამბრაბიმატის', 'სააწარმოებლო ბაზა', and 'ადმინისტრაციული საპარტალდარღვევები'. The main content area displays two news articles from May 27, 2011, with the Georgian coat of arms as a logo. The first article is titled 'შინაგან საქმეთა სამინისტროს განცხადება' and the second is 'საერთაშორისო კონფერენცია თემაზე „გლობალიზაცია და უსაფრთხოება შავი და კასპიის ზღვების რეგიონებში“'.

ზოგადად შეიძლება ითქვას, რომ ინფორმაცია ძალზედ მიმოფანტულია ვებ-გვერდზე, ხოლო 2010 წელს განხორციელებული მონიტორინგის ფარგლებში შინაგან საქმეთა სამინისტროსათვის გაწეული რეკომენდაციები სამინისტროს მეორე არ იქნა გათვალისწინებული.


შეფასება ვებ-გვერდის ელექტრონული კომპონენტის მიხედვით:

ტექნიკური პარამეტრების არსებობა და მათი
გამართული ფუნქციონირება ოფიციალურ ვებ-გვერდზე



ვებ-გვერდის ელ-მმართველობის ხარისხი

■ ტექნიკური პარამეტრის არსებობა ვებ-გვერდზე



1. ნავიგაცია


ვებ-გვერდის ძირითადი პრობლემა არის არასწორად განლაგებული მენიუს პუნქტები, რომელიც განაწილებულია ვებ-გვერდის ზედა და მარცხენა მხარეს. მომხმარებლისთვის, რომელიც სულ რამოდენიმეჯერ ესტუმრა ვებ-გვერდს სრული ქაოსია, გაუგებარია რომელი პუნქტიდან რომელ პუნქტში გადავიდა, ინფორმაციის მოძიება რთულია მენიუს საშუალებით.

2. ძიება

ინფორმაციის მოსაძებნად ხშირად გამოიყენება მარტივი ძიების ფუნქცია, რის შედეგადაც გამოდის დიდი ინფორმაცია, რადგან ძიება მიმდინარეობს მთლიან ვებ-გვერდში, საჭიროა დეტალური ძიების არსებობა, რომელიც მოძებნის მითითებულ კატეგორიებში.

3. მარტივად აღქმის კრიტერიუმები


ზოგ ატვირთულ დოკუმენტებში (მაგ: <http://police.ge/index.php?m=197>) გამოყენებულია ისეთი ფონტი რომელიც სისტემას არ მოყვება (Geo ABC)



შესაბამისად ფონტის გადმოწერის და დაყენების გარეშე შეუძლებელია დოკუმენტის წაკითხვა. ყველა ატვირთულ დოკუმენტში ქართული ტექსტისთვის უნდა გამოიყენებოდეს Sylfaen-ი.

4. ვებ-კონტენტის ხელმისაწვდომობა

საიტის რუქაში არის პუნქტები (მაგ: სამსახურები, ლინკი: <http://police.ge/index.php?m=191>) რომელზეც გადასვლის შემდეგ ჩნდება ცარიელი გვერდი. საჭიროა ასეთი პუნქტების ლინკის მოშორება საიტის რუქაში.




5. სინტაქსურად გამართული პროგრამული კოდი

ასევე პრობლემაა, საკონტაქტო ფორმაზე. გაგზავნის მცდელობის დროს იწერება წარწერა: Send Fail, ანუ წერილი არ იგზავნება, მომხმარებლისთვის კი შეცდომის მიზეზი გაუგებარია.



ვებ-გვერდში არის ისეთი გვერდები სადაც Title არის ერთი და იგივე, მაგ: <http://police.ge/index.php?m=273>, ხოლო გვერდების Description ცარიელია.



აუცილებელია Description-ის შევსება

```

<!DOCTYPE html PUBLIC "-//W3C//DTD HTML 3.2 Final//EN">
<html>
<head>
  <title>Police.ge - მთავარი</title>
  <link type="image/x-icon" rel="shortcut icon" href="/favicon.ico">
  <link type="image/gif" rel="icon" href="animated_favicon1.gif">
  <meta http-equiv="Content-Type" content="text/html; charset=utf-8">
  <meta name="keywords" CONTENT="">
  <meta name="description" CONTENT="">
  <link type="text/css" rel="stylesheet" href="/css/style_geo.css">
  <link type="text/css" rel="stylesheet" href="/css/style.css">
  <link type="text/css" rel="stylesheet" href="/css/style_pcms.css">
  <script type="text/javascript" language="JavaScript1.2" src="js/functions.js"></script>
  <script type="text/javascript" language="JavaScript1.2" src="js/menu/stmenu.js"></script>
  <script type="text/javascript" language="JavaScript1.2" src="pcms/js/httpRequest.js"></script>
  <script type="text/javascript" language="JavaScript1.2" src="js/F_toolTip.js"></script>
  <script type="text/javascript" language="JavaScript1.2" src="js/prototype.js"></script>
  <script type="text/javascript" language="JavaScript1.2" src="js/swfobject.js"></script>
  <script type="text/javascript" language="JavaScript1.2" src="js/geo.js"></script>
  <script type="text/javascript" language="JavaScript1.2" src="js/AC_RunActiveContent.js"></script>

  <script language="javascript">
function transparent(element){
  if (/MSIE (5\.5|6)\.+/i.test(navigator.userAgent)) {

```

6. ინტეგრაცია სოციალურ ქსელებთან

ვებ-გვერდი არ არის ადაპტირებული სოციალურ ქსელებთან. ვებ-გვერდზე სასურველია იყოს გაზიარების ფუნქცია, რომელიც სოციალურ ქსელში გააზიარებს არჩეულ გვერდს. ასევე სასურველია იყოს Facebook-ის გვერდზე გადასასვლელი ლინკი, სადაც იქნება Police.ge-ის Facebook-ის ვებ-გვერდი.

7. უსაფრთხოება

ვებ-გვერდზე აღმოჩენილი იქნა XSS „ბაგი“ რომელიც შესაძლებელია პროგრამისტმა ბოროტად გამოიყენოს. უსაფრთხოების მიზნებიდან გამომდინარე ჩვენ არ დავწერთ ამ ტექნიკური გაუმართაობის აღწერას. თუმცა, თუ შსს-ს შესაბამისი წარმომადგენლები გამოთქვამენ სურვილს, მათ მივაწვდით მეტ ინფორმაციას აღნიშნული გაუთვალისწინებელი ხარვეზის შესახებ.